

Поклонюся до земли творцеви своему,  
Воздам ему молитвы о неверных тайно,  
Той втайне молящимся всем дар дает явно.

Идет ко иконам zde.<sup>у</sup>

Его же в сей иконе сице написанна  
Молюся, христианство да не будет поправно.

л. 9. об.

### Молитва

Господи, днесь молитве моей смиренной внуши  
И словеса плачевна прими в святых уши,  
Яже ти принесутся аще в невелице  
Обрати пресвятое на мя лице.  
Боже, в достоинство ти приидоша языцы,  
Избиша христианы всех с тех бяху елицы,  
Трупы их положиша в снедь зверям безумным,  
И никто погребая обрящется умным.  
Доколь, Христе, христиан твоих забываеш,  
Доколе от них лице твое отвращаеш.  
Призри на них, помилуй, твои суть колицы,  
Да не рекут, где бог ваш, неверны языцы  
Пролий гнев твой на враги, иже тя не знают,  
Ниже тя бога иста быти прославляют,  
Или и тех помилуй, да все твои будут,  
Просвети, да их сердца тебе не забудут,  
Посли свет и истинну с небесные горы,  
Да все совокупятся в небесные дворы,  
Свет неверствием темных всех да просвещает,  
Истинна твою милость всех да удивляет,  
Иже за тя, боже мои, души положиша,  
Крове за тя своя пролить не щадиша.

л. 10

### Явление 3-е

#### Максимиан

Верныи ми велможи, что нам в власти мнится,  
Рцйте, да сердце мое днесь увеселится.

#### Велможа 1-й

Весть, о Максимиане, добре ти вещаю,  
Яко весел будеши, непременно чаю,  
Уже все христианы мечем убиенны,  
Тех плоти в снедение зверем положенны.

#### Велможа 2-й

Убо наши богове радуются ныне,  
Купно и ты радуйся на сей же године,  
Власть твоя мирна будет, врази бо избиты,  
Возвратясь в свое место, будеш мирно жити.

#### Максимиан

Иду весел отселе, да не иду туне.  
Помыслите, кто будет на месте в Солуне.

<sup>у</sup> Подчеркнуто. По-видимому ошибочно. Должно быть, это ремарка.